

42859.

DE
ORIGINE LEGIS FALCIDIÆ,
ET
COMPUTATIONE QUARTÆ
LEGATIS ANNUIS DE-
TRAHENDÆ
MELE TEMATA,
QUAE
CONSENTIENTE
MAGNIFICO JICTORUM ORDINE
PLACIDO ERUDITORUM EXAMINI
SUBMITTUNT
P R A E S E S
WILHELMUS BERNHARDUS
JESTER, J. V. D.



S. R. M. in Borussia in Judicio Criminali Consiliarius; supremarum Regni
Borussiae Curiarum Advocatus.

E T R E S P O N D E N S
ALEXANDER ANDREAS ESPANHIAC,
Reg. Borus.

H. L. Q. S. d. 19. SEPTEMBR. 1768.

OPPONENTIUM SPARTAM ORNATURI SUNT
SUMMAE SPEI, SUMMAE INDOLIS JUVENES,

JO. REINH. THEODOR. SCHINEMANN, Reg. Bor.
JACOB. THEODOR. LILIENTHAL, Reg. Bor.
CAROL. DAVID. COELER, Linkun. Bor.

REGIOMONTI, Litteris VIDUAE IOANNIS FRIDERICI DRIESTII.

A I R O
HEROIBUS TOGATIS,
LITTERARUM VIRTUTUM
PROSAPIAE SPLENDORE,
IMMORTALITATEM USQUE

INCLUTIS.

V I R O
ILLUSTRISSIMO, GENEROSISSIMO
ATQUE EXCELLENTISSIMO,
DOMINO
PHILIPPO JOSEPHO
DE JARIGES,
SUPREMO REGNI BORUSSIAE ET OMNIUM PRO-
VINCIARUM BRANDENBURGICARUM
C A
C A N C E L L A R I O ,
SACRI REGII PALATII EXQUÆSTORI,
M I N I S T R O S T A T U S A C B E L L I
I N T I M O ,
DOMINO SUO GRATIOSISSIMO.

V I R O
ILLUSTRISSIMO, GENEROSISSIMO
ATQUE EXCELLENTISSIMO,
DOMINO
FRIEDERICO ALEXANDRO
DE KORFF,

REGNI BORUSSIAE CANCELLARIO, MINISTRO
STATUS AC BELLI INTIMO, JUDICII AULICI
PRAESIDI EMINENTISSIMO, RERUM FEUDALIUM
ET MONTIS PIETATIS DIRECTORI AC
CAPITI SUPREMO.

HEREDITARIO DOMINO
TERRARUM BLEDAU, KORBEN, MOLEHNEN,
WEDDERAU, RIBBEN, &c. &c. &c.
DOMINO SUO GRATIOSISSIMO.

JUSTITIÆ STATORIBUS,
MUSARUM PATRONIS,
SCIENTIARUM NUTRICIIS,
ARTIUM FAUTORIBUS,
MAGNANIMIS, INDULGENTISSIMIS,
MAECENATIBUS CLEMENTISSIMIS.

Otia hæcce academica,
TANTORUM NOMINUM,
GRATIAM, PATROCINUM, TUTELAM
DEVOTE EFFLAGITANTES
SUBMISSE,
D. D. D.
Clients humillimi,
PRAESES ET RESPONDENS.

SUMMARIA.

Testamenta ut plurimum, hereditate legatis exhausta
fiunt destituta §. 1; Testatoris voluntas pro seria
habenda est §. 2; Ex seria voluntate fluit necessitas, im-
pedimenta removendi, quæ obstant, quo minus testa-
mentum exitum habeat. Si non removentur, vel non
sunt prævisa, vel superari nequeunt; fit applicatio ad
testamentum destitutum, & in auctore elogii tali modo
conditi, ut destituatur, supponitur error vel ignorantia §. 3;
Leges romanæ fraudem supponere videntur §. 4; Id quod
refutatur, addita nova ratione pro errore & ignorantia;
Quia alias salvum non esset tralatitium illud, expedit
publice, ultimas hominum voluntates exitum habere
§. 5; De veritate propositionis expedit publice, &c. &
quod contrarium obtineat si sciente volente testatore he-
reditas legatis exhauriatur §. 6. & 7; Errori vel igno-
rantiæ obicem ponere erat in ratione Legis Furiæ
Voconiae; iisdem tamen ad rei consummationem non
sufficientibus Lex Falcidia lata est, quæ prospicit, ut er-
ror sit innocuus §. 8.; De Dispositione legis Falcidiæ de
principio generaliori ut & de regulis, in delibando observan-
dis si iusto plus sit legatum §. 9. & 10; Transitus ad legata

annua §. 11; Legati anni descriptio & divisio §. 12; De Computationis norma quoad legata annua perpetua, quæ etiam obtinet in Legatis ad pias causas. Quid sit pia causa? §. 13. 14; Utrum legata ad pias causas Falcidiæ subjaceant? Neg. §. 15; & simul Computationis necessitas defenditur §. 16; De legatis annuis temporalibus. Computatio probabilitati quoisque legatarius victurus est, innititur. §. 17. 18. 19; Quid obtineat si citius decedat, si spe diutius animam agat §. 20; Dubia quædam contra computationem legalem §. 21. & 22; Tentata resolutio, §. 23. 24; Utrum computationis usus sit Falcidia abrogata? §. 25.



§. I.

Ovidius exul Maximi amicitiam laudaturus, universo
fere generi humano dicam scribit;

Turpe inquit dictu, sed (si modo vera fatemur)

Vulgus amicitias utilitate probat.

Cura quid expedit prius est, quam quid sit honestum:

Et cum fortuna statque caditque fides,

Nec facile invenies multis e millibus unum,

Virtutem pretium qui putet esse sui.

Ipse decor recti, facti si præmia desint,

Non movet, & gratis pœnitet esse probum.

Nil, nisi quod prodest, carum est, i, detrahe menti

Spem fructus avidæ, nemo petendus erit.

At reditus iam quisque suos amat, & sibi quid sit

Utile, sollicitis suppeditat articulis.

Illud amicitiae quondam venerabile numen

Prostat, & in quæstu pro meretrice sedet. (a)

Tantum abest, ut in hac Ovidiana hæreamus hæresi, & Egoismum moralem (*b*) mortalium pectora sere omnia occupasse credamus, ut potius nobis persvalsum sit, plurimos tales esse,
Queis meliore luto fixit præcordia Titan.

Omnium enim quæ fuerunt sæculorum annales specimina edunt humanitatis, quæ plus aliis quam propriis inservit commodis,¹ & ut aliis bene sit, non nisi ob virtutis excellentiam prospicit. Non tamen omnibus ea contigit humanæ conditionis felicitas, ut negotia ardua & periculi plena, propria utilitate remota, in favorem tertii subire queant. Multi onera tertio proficua, omniaque officia humanitatis respuunt, simulac coactionis & obligationis speciem præ se ferunt, propriæ vero liberalitatis encomio destituuntur. Haud pauci denique, quamvis non semper utile a decoro discedat, non nisi proficua sibi moliuntur, onerosa declinant. Quæ quum ita sint, non mirum est, testamenta ut plurimum fieri destituta, si testator successori, totam hereditatem legatis exhaustendo, non nisi inane relinquat nomen heredis, denegatoque omni lucro eundem obligationibus implicare intendat hereditariis. Major e contra differendi difficultas, si queratur de causa adornati tali modo elogii, ut de ejus exitu ipse testator, ad ea quæ fieri solent ut plurimum attentus, in antecessum desperare potuisset. Periculum hinc faciamus inquirendi, quæ verisimilis hujus rei fuerit ratio.

(a) P. OVIDII NASONIS, Epistol. ex Ponto Libr. II. Ep. III. v. 7.

(b) De EGOISMO morali conf. JOACH. GEORG. DARIES, *Observ. Juris Natural. Social. & Gentium.* Vol. II; Obs. 50.

§. 2.

Ut testamentum exitum habeat, in votis cuiuslibet testatoris esse videtur. Testantur id solennitates, quæ, ut diligens testandi cura subjiciendorum testamentorum everriculum sit, requiruntur, & ut actui minus serio adhibeantur vix probabile est. Antiquissimis Reip. Romanæ temporibus testamentum paganum in comitiis (*a*) calatis, & quidem vel curiatis per lectorem curiatim convoco-

convocatis, vel centuriatis (b) per cornicinem calatis fiebat. (c). Quis quæso vero ausurus fuisset, auctoritatem populi, suffragium Pontificum, ipsos denique dies comitiales non nisi magni ponderis negotiis destinatos, actus frustranei gratia implorare, requirere, adhibere. Ejusmodi abusus auctoritatis publicæ religionisque ipsius ne cogitari quidem potest. Successit denique modus testandi per æs & libram, per ritus mancipacionis & imaginariæ alienationis; & quidem originitus, si Theophilo fides habenda familiæ emtor non nisi ipse heres erat (d). Hinc testatori ob insidias metuendas multum periculi ex tali solenni in ipsum heredem alienatione imminebat. Perlusorie vero agere, & periculo se expōnere contradictorum est. Forma testandi recentior, quæ & apud nos obtinet, simplicior quidem, attamen solennis est, & vix probabile, fore ut testes, nisi de seria testatoris voluntate persuasi permittant, sibi testimonium denunciari. Si porro fidei publicæ voluntas ultima concreditur, judiciis, saltem hodie, cautelæ haud paucæ observandæ sunt, quæ seriam hancce voluntatem supponunt. (e). Quid denique clausula codicillaris, metu neglectarum solennitatum adhiberi solita, cuius exemplum siflit Scævola; (f) „Lucius, Titius hoc meum testamentum scripsi sine ullo juris perryto, rationem animi mei potius sequutus, quam nimiam & miseram diligentiam: et si minus aliquid legitime minusve perite fecero, pro jure legitimo haberi debet hominis sani voluntas.). Quid quæso hæc clausula aliud quam seriam testatoris voluntatem declarat.

(a) Teste A. GELLIO in Noct. attic. L. XV. Cap. 27. De Comitiis Romanorum in genere conferendi sunt Commentarii PAUL. MANUTII; PAULI MERULAE; OTTONIS AICHERII; NICOLAI GRUCHII; nec negligenda quæ SIGONIUS hac de re tradit.

(b) VINNIUS, ad §. 1. I. de testam. ordin. negat, testamenta in Comitiis centuriatis condita esse; sed ex Gellio, quem probationis ergo laudat refutari potest. ULR. HUBERI, Diggession. Justinian. L. 4. C. 30.

(c) Testamentum paganum ex sententia V. ICTISSIMI GEORGII SAMUEL. MADHN, in Instit. Jur. Civil. L. 2. Tit. 17. §. 285. ideo in Comitiis fiebat, quo ipsi heredes in curias testatorum transferrentur, atque sacra ipsius religionis, suffragante Pontificum collegio, in heredem transire

transire possent. Alii pro ratione hujus instituti allegant, ut testamenta formam legis haberent. JO. HENR. CHRIST. DE SELCHOW *Elementa Antiquit. Juris Rom.* publici & privati, §. 683. ALB. DIET. TREKELLIUS, *de origine argue Progressu testamentifactionis praesertim apud Romanos*, c. 2. §. 11-18. JACOBUS HENR. KURELLA, *Ictus inter nostrates quondam Celeberrimus de me meisque studiis optime meritus*, cuius obitum præmaturum & Musa pregelana & ego adhuc lugemus, *in Diff. elegantissima de testamentaria circa corpus dispositione utramque rationem coniungere videtur*; quoties inquit civis romanus testamentum condere desiderabat, toties IDEM RITUS ADHIBENDI ERANT, QUOS ANTIQUISSIMIS TEMPORIBUS ROMANI SERVABANT, QUANDO LEX FACIENDA ERAT. In comitiis nimirum calatis, &c. IN HIS enim SOLIS TESTAMENTA RECTE CONDEBANTUR, quoniam haec sola ad religionem & sacra spectabant, ad quæ & testamenta jure retuleris, OB SACRA PRIVATA, QUAE CUM PECUNIA AD HEREDES TRANSIBANT.

(d) THEOPHILI fides vacillare videtur HUBERO, *in Digress. Justin. Libr. IV. C. 31.* Theophilo subscribunt VINNIUS ET EV. OTTO *ad Tit. f. de test. ord.*

(e) CORP. J. FR. P. II. L. 7. T. 2. §. 7. num. 7. T. 3. A. 1. §. 4. n. 4.
T. 3. A. 2. §. 10.

(f) *Libr. 3. Resp. L. 88. §. 17. D. de leg. 2.*

§. 3.

Qui seriam de eo quod post mortem fieri debet disponendi habet voluntatem, omnia eundem removere oportet impedimenta, quæ obstant, quo minus dispositio exitum habeat. Si non removentur, vel non sunt prævisa, vel superari nequeunt. Tertium non datur posita seria voluntate. Talis vero est conditio illorum, qui legatis universam absumunt hereditatem, ut sibimet ipsis eligant genus testandi, ad impugnandum aut potius evertendum iudicium. Heredi enim aut nulla aut exigua relinquunt lucra, ita ut ne operæ quidem pretium sit, adire hereditatem; quo fit, ut hereditate repudiata voluntas testatoris ipsa in totum pereat. Quum ergo eiusmodi testatores, impedimenta, quæ facillimo negotio superari possunt, non removent, quid quod contraria ratione

one agant, hos tantummodo casus mente concipere licet; Exhauri-
unt hereditatem, vel scientes eandem exauriri, vel ignorantibus.
Prius si obtinet, vel ius repudiandi quod successori competit igno-
ratur, vel errant testatores in dijudicando illo, quem successorem
designant, autemantes fore ut pro nullo aut minimo luero onera
subeat hereditaria. Ignorantia & error impedimenta constituunt haud
prævisa. Si posterius locum habet, error iterum causa esse potest.
Errant testatores aliquando in dijudicandis facultatibus suis, de
quibus plus forsan sperant, quam in illis est. Ponamus testatorem
in errore patrimonii versari amplissimi, tenuitatem ignorare. In
hoc casu legata tantum abest, ut exinanire autem facultates, ut
potius multa supereesse credat, quæ lucro heredis erunt. En-
iterum impedimentum haud prævisum. Si ergo seria testatoris vo-
luntas ponatur, non nisi ex ignorantia erroreve juris vel facti fieri
potest, ut ipse occasionem, cur testamentum destituatur, suppe-
ditet.

§. 4.

Hisce contraria videntur, quæ Jus Romanum larga manu
suppediat argumenta. POMPONIUS, (a) legandi licentiam latis-
simam ex Legibus XII. Tabul. oriundam testatur coangustatam
esse, vel legum vel auctoritate jura constituentium.

Cui loco jungamus pr. I. de Lege Falcid. ubi legandi po-
testatem, vi cuius licitum erat, totum patrimonium legatis ero-
gare, coarctatam legimus. Uberiori penicillo denique THEOPHI-
LUS modum & Historiam huius rei describit; „lata, inquit, est
„LEX FURIA, (b) qua cavebatur, ne cui plus quam mille assuum
„legare liceret; sed parata huic legi *fraus erat*. Etenim si quis,
„cum quinque millia nummorum in bonis haberet, quinque lega-
„tariis millos reliquisset, in legem non incidebat, & rursus
„tamen eveniebat, ut heres, qui nullum lucrum haberet, here-
„ditatem repudiaret. Et ita iterum subvertebantur testamenta.
„Secundo lata est LEX VOCONIA, (c) qua cautum erat, ne le-
„gatarius plus caperet, quam heres. Sed tamen & *hac ipsa lex*
„facile convellebatur. Nam si quis cum centum aureos in bonis ha-
„beret, heredem me instituisset, & nonaginta novem legasset,



„neque legem transgrediebatur, & locum tamen faciebat repudiationi. Ultimo igitur loco lata est lex falcida, &c. (d).

Si iam ponamus leges prohibitivas, testatoresque ad fraudem callidos, qui omnem movent lapidem, ut ingeniosa improbitate salvis legum verbis illorum sententiam circumveniant, (e) neque error neque ignorantia causa esse potest, exhausti per legata patrimonii. Omnis quæ forsan hic excogitari potest causa agendi impulsiva, ponenda esset, in nimia privilegii, quod Lex XII. Tabl. (f) patribus familias legantibus concederat dulcedine, nec non eius defensione quibuscunque moliminibus contra Leges recentiores tentata.

(a) *Libro V. ad Qv. Mucium l. 120. ff. d. V. S.* Interpretatio in hac lege idem significat, ac certior & accurrior iuris definitio, sive potestatis olim concessæ iustos intra fines coercitio; cuius interpretationis duo dantur fontes, unus legum, alter disputationis fori, arg. l. 2. §. 5. D. d. O. J. quæ eiusdem POMPONII est; ad quam vide sis CORNELII VAN BYNKERSHOEK. *Prætermissa ad L. 2. d. O. J.* in ejusd. Opuscul. var. argum. T. II.; Conf. etiam HEINECCIUSS ad L. 120. D. d. V. S. in D. de origine testamentificationis & ritu testandi antiquo, quæ exstat in Opuscul. varior. sylloge.

(b) *Lex furia*, cognomento *Testamentaria*, auctore Cicerone in *Orat. pro Balbo a C. Furio Tribuno plebis condita est.* Tempus condite legis ignoratur. Quæ Wielingii, V. *Itissimi sit coniectura* vide sis in *Let. J. Civil. L. 2. C. 18.* Argumentum legis exhibet *Ulpianus Tit. I. §. 2. in Schulting. Ipd. anteius.*

(c) *De Legi Voconie auctore & ætate conferatur Wieling.* in Lect. J. Civ. L. 2. C. 19; ubi in primis inquirit, utrum recte ex Ciceronis testimo in Cat. Maj. c. 5. ætas s. annus rogationis nempe V. C. 584. determinari queat; id quod affirmat, quum ex ipsius Voconie Legis verbis, quæ secundum Ciceronem, L. I. in Vervem C. 41. sic accepta erant; *Qui ab A. Postumio, Q. Fulvio Censoribus, Census effet, &c.* annus 584. facile colligi queat.

Argumentum huius Legis erat;

„Qui post A. Postumium, Q. Fulvium censores, census effet, ne heredem virginem neve mulierem faceret, neve Mulieri ultra centum millia HS. legaret; neve qui census effet, plus cuiquam legaret, quam ad heredem heredesve perveniret.“ Quinti Voconii Saxæ duplex erat

erat intentio, altera ut ab omni hereditate tam legitima quam testamenteria fœminæ arcerentur; altera ut legandi licentiae modus poneretur.

Vocabulum Census in hac lege non pro eo qui maximum censum habet, s. pro classico ponitur. Locus enim Asconii ad Ciceron. in Verrem d. l. ex quo hæc sumitur explicatio suspectus videtur. Potius Census quemlibet Civem romanum designat.

(d) Conferatur *Theophilus* in paraphrasi ad pr. J. de Lege Falcidia.

(e) Conf. JO. CHR. HEINR. de SELCHOW *ELEM. ANTIQ. J. ROM.* P. II. C. 4. S. III. M. I. §. 715. EV. OTTON. *Com. & Not. crit. ad Inst. L. 2.* C. 22. JO. AUG. BACHIUS in nitidissima *Commentatione de his quæ imputantur in quartam fiduciarii ad L. 91. ff. ad L. falcid.* quæ in Opuscul. eiusdem a Christ. Adolph. Klotzio collectis & A. 1767. editis locum occupat XII. autumat, testatores subtili calumnia & fraude Censum subterfugisse, ratos, ut Lege Voconia non nisi Censis scripta, incensi, quantumcunque vellent, legare possent, idque impune, quia Lex census serviana de vendendis incensis non acercebat aut severe satis servabatur; & Prætores in re dura faciles erant. Conf. etiam Jo. Aug. Ernesti Clavis Ciceron. & quidem index Legum.

(f) Verba in Tabul. LL. V. hæc fuisse ex Ciceron. de Invent. c. 50. probat Wieling. in Lect. J. Civ. C. 17. *Paterfamilias uti legaSit, super familiæ pecuniaire suai, ita ius esto.* Conf. Gerardi Nood, Obs. II. 19. Hein. de Origin. Testamentif. §. 10.

§. 5.

Quæ quanta quanta sint, non tamen a nobis impetrare possumus, ut, quam §. 3. stabiliimus sententiæ, mittamus nuncium. Ponamus enim metum repudiationis vincibilem, tanquam motivum testatori obvium, ut heredis magis honorandi quam onerandi habeat rationem, id quod poni debet, si neque error neque ignorantia admittatur; ponamus e contra, rationes qualescunque, legandi licentiam nullis observatis limitibus exercendi, superponendum ex qua parte sit, in oculos incurrit, simulac seriam disponendi statuamus voluntatem. Cessat tunc etiam verosimilis illa testandi ratio in fin. §. 4. allegata. Nam si nulli in legando limites serventur, animo, legandi licentiam toto exercendi ambitu, contradicitorum exinde resultat, & testator juri legandi nihil detrahi passurus, totam legandi facultatem per indirectum sibi adimit.

Medium,

Medium, quo jus suum exercere & conservare vult, tantum abest, ut fini obtinendo sufficiat, ut potius eidem plane contrarietur. Non obstat per Leges facultatem legandi coarctari, coangustari. Res enim favoris plena est, si Leges determinent limites naturales in exercitio jurium adhibendos, quippe qui ex ignorantia neglecti efficiunt, ut jura ipsa pereant. Arcus nimis intensus frangitur. Res favoris plena est, si errantibus ipsis prospiciatur, ut ne semetiplos decipient. Nec nos moratur fraus Legibus facta, cuius Theophilus meminit. Significatu proprio de fraude sermonem esse, vix verosimile est. Probabilitati enim minus consentaneum est, contra propria laborare commoda, machinationes sibimet ipsis contrarias & noxias adhibere, in dolo denique, magnis prævissisque detrimentis expiendo versari. Legi nonsolum Furiæ sed etiam Voconiae ex errore contravenire poterant testatores. Aestimat Titius facultates suas pluris, quam veritas patitur. Non circumspicit varios casus, patrimonio inimicos, qui usque ad extremum vitæ halitum imminent. Plura ordinat legata, quæ si tantæ illi essent facultates, quantas autumat, hereditatem non absorbent sed lucrum haud exiguum heredi relinquunt, quæ e contra hereditatem absument si opinione minores sint facultates, si casus ex parte illas devorant. Fraus legibus in tali casu facta est effectu non affectu, ipsa re non consilio. (a) Nostra denique thesis eo minus habet dubii, quo certius esse videtur, non nisi eadem stabilita salvum esse tralatitium illud; (b) expedit reipublicæ, ultimas hominum voluntates exitum habere.

(a) Arg. §. 3. I. Qui & ex quib. caus. manumittere non possunt.

(b) L. 5. ff. testam. quemadmodum aper.

§. 6.

Nonsolum civibus debetur, ut supremæ voluntatis liber sit stilus, & licitum quod non reddit arbitrium, sed expedit etiam reipublicæ, ultima eorundem elogia exitum habere. Testimonium si probationis vice fungeretur, Quintiliano (a) denunciamus. "In more civitatis inquit & in Legibus positum est, ut quo-

ties

65 66 67 68

ties fieri potuerit, defunctorum testamento stetur. Neque enim aliud videtur solatum mortis, quam voluntas ultra mortem, alioquin potest grave videri etiam ipsum patrimonium, si non integrum legem habet, & quum omne ius in id nobis permittatur viventibus, auferatur morientibus, Rationem denique huius rei suppeditare videtur Seneca; (b) „ubi mors interclusit omnia, quærimus dignissimos, quibus nostra tradamus,, & alio loco idem Philosophus, (c) „Quid est quare grati esse velimus, quum morimur? „Quare singulorum perpendamus officia? quare id agamus in omnem vitam nostram decurrente memoria, ne cuius officii videamur obliiti. Nihil iam superest, quo spes porrigatur. In illo tamen cardine positi abire e rebus humanis quam gratissimi voluntus. Est videlicet magna in ipso opere merces rei, Ut vero explicatus de hac re differamus, sequentes stabiliendæ sunt propositiones. Ad salutem reip. confert, si cives divitiis circumfluunt; quo maior civium opulentia, eo maior dominii eminentis ambitus est. Hinc rectori civitatis curæ cordique sit medium quodcumque honestum, quod efficere potest, ut facultates civium crescant & licito modo augeantur. Nulla divitiarum scaturigo intercludatur. In primis irritamentorum diligentiae habeatur ratio. Haud raro enim eo locupletior quis evadit, quo maius est studium amplificandæ rei familiaris. Non vero potest non fieri ut maxima huius rei sit cura, si, quæ multo quæsita sunt studio, si fructus laborum illi cedant, quem moribundus dignissimum putavit, cuiusque merita compensare grati animi esse indicavit. Negligentia & contra, profusio & nimius luxus obtinebunt, si nulla voluntatis ultimæ habita ratione patrimonium lucro sit hominibus ex iudicio defuncti eodem vel simpliciter vel secundum quid indignis. Si ergo spes, fore ut facultates post mortem ex nostro distribuantur arbitrio diligentiae sit quasi fomes, si diligentia ad facultates augendas haud parum conferat, facultates vero ut augeantur saluti reip. convenit, prono exinde sequitur alveo, eiusdem, reip. puta, interesse, ut testamenta exitum habeant. Accedit, quod testamento honorati præsumtive dignissimi sint, & mereri videantur, ut secundum Leges in thesi disponentes heredi ab intestato præferantur. Omne denique dubium de præferenda successione testamentaria

taria cessat, si & in hypothesi appareat, (d) quod pietas, fides, pudor testamentum scripsit, quod omnibus affinitatibus pro cuiusque officio gratia relata sit, relata & uxori (e).

(a) Declam. 308. (b) De benef. lib. 4. C. II. (c) De benef. L. 4. c. 22.
 (d) Plinius, Ep. L. 8. Ep. 17. (e) Conferat. Franz Hutchesons Sittens
 Lehre der Vernunft aus dem Engl. übersetzt, 2 Buch, 8ter Abschn.,
 VII. 2. pag. 514. seqq.

§. 7.

Quæ tamen §. antecedente deducta sunt, non obtinent, nisi testatoris seria disponendi fuerit voluntas. Hæc deficit, si eodem sciente volente, non obstante repudiationis metu, legatis exhaustiatur hereditas. Ut de exitu testamenti promovendo in tali casu Leges caveant, nulla fingi potest solida movensque ratio. Interesse enim testatoris non videtur, successio utrum ex testamento an ab intestato obtineat, quid? quod, successio ab intestato per indirectum intenditur. Necesse est, ut eidem sequentes obviae sint inspectiones. Æque possibile est, ut successor designatus pro minimo aut nullo lucro hereditatem adeat, ut e contra eandem repudiet. Ut hereditatem adeat, in votis est, & causam testamenti conditi continet impulsivam. Repudiationis metum facillimo removere possem negotio. Jam vero malo hereditatem repudiari, testamentum perire, & successionem ab intestato obtainere, quam maiora heredi lucra destinare; id quod fundat in successionem ab intestato consensum eventualem. Ad minimum nulla testatori videtur fuisse prægnans ratio, cur Legis, quæ de iure succedendi ab intestato disponit provisionem, provisione contraria tolleret, & potius alii, quam heredi ab intestato destinaret facultates.

§. 8.

Si ex errore vel ignorantia testator hereditatem exhaustiat, periculi, fore ut testamentum destituatur, avertendi, urgens solidaque adeat ratio (a). C. FURIUS & Q. VOCONIUS SAXA frustra laboraverant de coercenda nimia legandi licentia. Juri, utroque rogante, constituto ex errore vel ignorantia testatores contra-

21

contravenire poterant. Non impediebatur, quo minus hereditas exauriretur, testamentumque destitueretur. Id quod FALCIDIO occasionem suppeditabat, de novo cogitandi medio praecavendi, ne testamentum destitueretur, etiamsi totum patrimonium legatis erogatum esset. Difficile est, errori obicem ponere. Sed errori nocua praecludere consecaria magni & excelsi ingenii est. Qui honos omnino FALCIDIO debetur. Hæc tamen asserti nostri notetur limitatio; Quamvis ex primaria eius intentione plebiscitum errantibus tantum vel ignorantibus prospicere videatur, legis dispositio tamen hodie in genere, hereditate sive scienter, sive ignoranter exhausta usum habet. In applicandis legibus, quæ ita scribi nequeunt, ut omnes casus, qui quandoque incidunt, comprehendantur, non semper servari possunt limites, quos eorundem occasio posuisse videtur. Et sane iudicium finium regundorum, in diiudicando, utrum aliquid ex errore an consulto, quibusque ex motivis fiat, in animis hominum quum tantæ sint latebræ, tantique recessus, inextricabiles haberet difficultates. Hinc satius est, in genere ob præsumptum errorem ignorantiamque in casu exhausti patrimonii Legi Falcidiae locum facere, quam intentionis contrariae probationem non admittere, in primis quum per indirectum & heredibus & legatariis per hanc consulatur dispositionem. (b)

(a) Nov. I. C. 1. quæ neminem in paupertate vivere, neminem mori in anxietate permittit, sed deficientium dispositiones omnibus modis impleri vult, hinc viventibus cautelam, morientibus honorem exhibet, aliud periculi huius avertendi medium suppeditare dicitur. Sunt enim qui hancce Nov. ita explicant, ut secundum eius dispositionem testamentum amplius non fiat substitutum, sed uno voluntatem defuncti adimplere nolente, alii successivo ordine vocentur. VOET. in Com. ad ff. Lib. 28. T. 3. §. 14. VINNIUS ad I. §. 4. in fin. quibus mod. testam. infirmantur. PAGENSTECHER in scilicet. ad Comp. Schützio Lauterb. Manip. 3. p. 254 seqq. qui instar omnium legi meretur. Contraria tamen via in explicanda hacce Nov. inedit LAUTERB. in D. de testamento destituto in Vol. III. Disputationum Iuridicarum Tubingenium, ubi argumentis haud contennendis, quæ ex nostra sententia multum ponderis habent, demonstrare allaborat, Novellam tantum de casu hereditatis aditæ loqui, si sc. heres voluntatem testatoris adimplere declinat. In tali sententiârū divortio nihil decidere audemus; licet tantummodo sequentia addere; si sententia Lauterbachianæ contraria adopta-



adoptatur, si periculum testamenti destituti cessat, nulla Legis Falcidiae adest necessitas. Conferatur CORPUS J. FRID. P. II. Lib. VII. T. II. §. 62. pag. 254. Schließlich ist noch zu merken, daß die Römischen Gesetze dem Erben erlaubt haben, von allen Legatis den vierten Theil abzuziehen, welcher quarta falcidia genannt wurde. Weil nun diese Falcidia bloß aus Furcht, daß das Testament entkräftet werden möchte eingeführet, und dadurch zu unzähligen Subtilitäten und Streitigkeiten Anlaß gegeben worden: so haben wir nöthig gefunden diese falcidiā gänzlich aufzuheben, und ein vor allemal festzusezen: 1) Dass wenn der Erbe die Erbschaft wegen der vielen Vermächtuisse anzu treten Bedenken haben sollte, die Erbschaft so viel die Legata und deren Gültigkeit betrifft, ipso iure pro adita gehalten werden; im übrigen aber 2) die Erbschaft dem Substituto, oder wenn auch dieser die Erbschaft repudiaret, denen heredibus ab intestato desiraret, und in deren Entstehung ein Curator hereditatis bestellset werden solle, welcher Jus hereditatis besorgen, und die legata auszahlen müß.

Non tamen implicat, ut falcidia obtineat in favorem heredis, si adeat, etiam in casu contrario legatariis, si sc̄. heres non vult aut non potest adire, prospectum sit. Sic secundum JUS PRUTENICO, d. A. 1721. P. 2. L. V. T. 6. A. 2. §. 3. disponitur, ut legata (in primis quæ causis piis destinata sunt) valeant, etiam si testamentum ob defectum solennitatum nullum sit. Per conclusionem a maiori ad minus idem obtinet quoad testamenta destituta. Falcidia tamen adhuc obtinet. Nullibi quidem in Jure Prutenico ex professo de Legi Falcidia agitur; Locus tamen fugitivus, dispositioni quæ Falcidium auclorem agnoscit locum vindicat. P. II. L. III. T. V. A. 1. §. 51.

(b) L. 71. ff. & pr. I. ad Legem Falcidiā. l. penult. C. ad Leg. Falcid. verbis; & viventibus & morientibus providemus, Les loix civiles dans leur ordre naturel p. Mr. DOMAT, Lib. 4. T. 3. p. 490. De la Falcidie. „Cette loy est également juste pour l'interet & des testateurs, & des heritiers, & des legataires. Car les testateurs pouvant trop estimer leurs biens, ou croire, qui en ont plus, qu'ils n'en auroient en effet, & dans cette pensée epuiser en legs leurs succession, ils obligeroient leurs heritiers a y renoncer plutôt que d'acquiter les legs sans retranchement: L'interet des heritiers est tout évident: & les legataires ont aussi le leur de souffrir plutôt un retranchement de leurs legs, qu'une perte entière, si la succession étant abandonnée, le desordre des affaires avoit cette suite.“

§. 9.

Legis Falcidiæ dispositio sequens est; QUICUNQUE CIVIS ROMANUS POST HANC LEGEM ROGATAM TESTAMENTUM

TUM FACIET, IS QUANTAM CUIQUE CIVI ROMANO PE-
CUNIAM JURE PUBLICO, i. e. CIVILI DARE LEGARE VO-
LET, JUS POTESTASQUE ESTO, DUM ITA DETUR LEGE-
TUR, NE MINUS QUAM PARTEM QUARTAM HEREDITA-
TIS EX EO TESTAMENTO HEREDES CAPIANT. ^(a) Desti-
natae huic Commentationi clepsydrae non permittunt, ut in hac
Lege explicanda prolixiores simus. Vix etiam aliquod post Jctos
magni nominis, qui integris Commentariis illustrarunt de Lege Fal-
cidia Materiam datur spicilegium. Sufficit pro scopo nostro, si dis-
positio animo obversetur; nemini liceat ultra dodrantem legare,
& si ultra quid legatum, dodrans tamen tantummodo dividatur; &
quidem in ratione legatorum partialium. Quadrans apud heredem
remaneat.

^(a) DUAREN. Op. p. 1054. l. 1. pr. ff. ad L. falcid. Lata est Lex Falcidia ro-
gante P. FALCIDIO TRIBUNO PL. A. V. C. 714. Calvino & Polli-
one Coss, quum summa rerum penes Triumvirof esset; quare falsum
est, quod Isidorus Origin. L. 5. C. 15. tradit; quodque inde in Jus
Canonicum traductum est, c. 6. distinct. 2. Falcidiam Legem æque ac
Papiam Poppæam Augusto Imperante rogatam esse. BACHII D. de his
que imputantur in quartam fiduciar., §. II. EV. OTTON. Com. ad
J. L. II. C. 22. De Etymologia denominationis conf. MENAGIUS in
Amenit. J. Civil. C. 39. pag. 284. qui derivationem nominis a falce
ridet.

§. 10.

Eadem hic obtinent principia, quæ sibi locum vindicant,
si plures heredes in pluribus portionibus, quam As patitur scripti
sunt. Tunc singulis pro rata eius partis, quæ cuique adscripta est,
aliquid detrahi debet. Partes in quibus heredes scripti sunt, ex-
primunt tantummodo rationem, quam habent portiones singulo-
rum erga se invicem. Si summa legatorum dodrantem excedit,
dodrans spectari debet instar totius hereditatis; Legatarii se habent
ut heredes instituti, & legata partialia veluti partes illis adscri-
ptæ. Hinc dodrans inter legatarios distribuatur pro rata portione
eius, quod cuique legatum fuerit, sive dodrans dividatur in rati-
one legatorum Partialium; Hinc duplex regula.

1) Ut summa legatorum ad legatum partiale unius legatarii, ita dodrans hereditatis ad legatum, post detractam falcidiam legatario isti debitum. Ponamus hereditatem. 1200; Legata 800 & 400 quæ Mevius & Sempronius consequuntur sunt. In hoc casu dodrans 900. tantum dividi potest & quidem in ratione ut 8 : 4 quæ est ratio legatorum partialium.

Infertur itaque ut $12 : 8$) = 900 R.
& porro ut — — $12 : 4$)
sic ut alter 600. alter 300. consequatur.

2) Pars legatario cuique subtrahenda est ad legatum ipsius ut pars a summa legatorum falcidiae gratia auferenda, ad ipsam legatorum summam, in casu suppeditato quarta pars omnibus legatis iunctim sumtis & cuilibet legato in specie detrahi debet.

Suppeditat nobis principia JCTorum superstitionum KEIMHAION ULR. L. B. de CRAMER, in Opusculorum, Tom. IV. Sp. I. quod ficit doctrinam Juris Romani de divisione hereditatis inter plures heredes institit. & Computat. Falcidia benefic. methodi demonstrativa ad notiones universales reductam.

§. 11.

Supponunt regulæ in all. luculentissima Commentatione, solidissimis superstructæ argumentis, ut exæcte non solum de statu bonorum constet, sed etiam de summa legatorum. Tota enim huius computationis cardo in ratione quantorum erga se invicem vertitur. Contingit vero aliquando, ut de huius vel illius legato non constet, quantum illud sit futurum. Ponamus annum corpori vel collegio legatum; ponamus annum amico destinatum, quod eodem superstite debetur, cessante post fata eius exsolvendi obligatione. Plures dantur incertitudinis eiusmodi inspectiones. Nobis vero sufficiat inquirere, quæ per difficultates datas sint eluctandi media.

§. 12.

Annuum legatum est emolumentum singulis annis ab herede denuo præstandum; id quod distingvi debet, a Legato, cuius præsta-

præstationi testator in favorem heredis distinctos præscripsit terminos, sive quod in plures pensiones exonerandi heredis gratia divisum est. (a) Dividitur in perpetuum & temporale. Illud ex voluntate testatoris in heredes legatarii simul transit, vel collegio cuidam seu corpori est relictum. Hocce Legatum temporale personam legatarii non egreditur.

(a) L. 20. & 26. D. §. 1. quando dies leg.

§. 13.

Si legatum annuum sit perpetuum, quæ esse debeat computatio, ad eruendam legati quantitatem, Leges disponunt; Si Rei publicæ in annos singulos legatum sit, cum de Lege Falcidia quaratur, Marcellus putat, tantum videri legatum, quantum sufficiat sorti, ad usuras trientes eius summa qua legata est colligendas (a). Hinc annui ad sortem unde illud exsolvi debeat ratio est ut 4 : 100. e. g. legatum annuum sit 20. Computatio (expedienda secundum sequentem formam ut 4 : 100 = 20.) sortem constituet 500; quæ deinde summæ legatorum partialium addenda est, ut de summa legatorum totali constet. Ponamus testatoris facultates 4000; A. sit heres. Accipient Legatarii B. 1500; C. totidem 1500; Collegium D. annuatim 20. In hoc casu sub titulo annui, sive propter illud summa 500. reliquis addenda est legatis. Hinc summa totalis omnium Legatorum erit 3500. Dodrans qui tantum dividi potest æqualis est summæ 3000; quæ summa distribuenda est in ratione legatorum partialium, & quidem

secundum regulam 1. §. 10. allegatam

$$\begin{aligned} \text{ut } 3500 : & \left\{ \begin{array}{l} 1500 = 3000 : 1285 \frac{25}{35} : \frac{5}{7} \\ 1500 = 3000 : 1285 \frac{25}{35} : \frac{5}{7} \\ 500 = 3000 : 428 \frac{20}{35} : \frac{4}{7} \end{array} \right. \\ & \hline \\ & \quad 3000. \end{aligned}$$

secundum

se undum regulam 2. eod. § alleg.
septima pars summæ omnium legatorum detrahitur debet; hinc &
detrahatur cuilibet legato

$$3500 : 3000 = \left\{ \begin{array}{l} 1500 : 1285 \frac{5}{7} \\ 1500 : 1285 \frac{5}{7} \\ 500 : 428 \frac{4}{7} \end{array} \right.$$

Ratio omnium legatorum ad dodrantem est ut $\frac{7}{7}$: $\frac{5}{7}$; eadem
ratio etiam esse debet inter legatum adhuc integrum & illibatum,
& partem delibandam.

Id quod deducitur est pro b. $214 \frac{2}{7}$ { septima pars
pro c. $214 \frac{2}{7}$ { cuiuslibet
pro d. $71 \frac{2}{7}$ { legati.

Summa omnibus legatis delibanda 500. supplet id quod
quadranti deest, & iterum est septima pars omnium legatorum si-
mul sumtorum 3500. In supplementum huius materiae adhuc
notari debet, 1) quod delibatio, quatenus scilicet legatum annuum
perpetuum dispositioni Legis Falcidiæ subjaceat, non nisi quotannis
intuitu ipsius anni fieri possit, ita ut collegium sive corpus mysti-
cum, cui annum destinatum, quotannis in easu dato 20. minus
septima parte accipiat.

2) Quod multis parasangis a legato anno perpetuo differat
usufructus corpori cuidam mystico s. collegio relictus, intuitu cuius
eadem obtinet computatio, quam in legato anno temporali fieri
dportet.

(a) L. 3. §. 2. ff. ad Leg. Fale.

§. 14.

Computatio quæ in genere quoad legata perpetua annua
obtinet, locum sibi etiam vindicat in legatis ad pias causas. (a)
Quicquid ob rationem pietatis in testamento relinquitur, ad piam
causam legatum esse censetur. Ratio pietatis vero adest, si rever-
entia divini numinis fuerit causa impulsiva, vel gloria eiusdem
promovenda cultusque externus causa finalis; pietas est si testator
prospiciat egentibus, in calamitate tabescentibus, qui cum miseri-
rima colluctantur fortuna, quorum desique vita a stipe miseri-
cordiae

cordia affectu data pendet; pietas denique est, si ob utilitatem
 publicam aliquid fuerit legatum. Hinc Ecclesiæ, Monasteria, Or-
 phanotrophea, Brephotrophea, Nosocomia, Gerontocomia, Ædes
 denique læso sed invicto militi destinatæ pia corpora vocantur, &
 quæ his piis corporibus legantur, ad pias causas legata censentur.
 Pietatis suppeditare notionem definitionemque ad Logices lapidem
 lydium exactam difficile est. Dantur homines, qui Curios simu-
 lant, & Bacchanalia vivunt. Si huius farinæ homines ad pias cau-
 fas legant, ratio legandi alia simulate concipitur, alia mente re-
 posta latet. Aliquando avaritia (*b*) & vanum gloriæ studium, ali-
 quando opus meritorum menti obvium, legandi constituit moti-
 vum. Quamvis revera legatum eiusmodi in pios convertatur
 usus, tantum tamen abest, ut ex pietate originem trahat, ut potius
 testatori novum imprimat dedecus, novam adsparget labem. Hinc
 dubium, utrum legati usus an intentio eius qui illud ordinat, vel
 utrumque simul notas suppeditet huius rei characteristicas. Ac-
 cedit, magnificentum pietatis titulum haud raro superstitionis vitio
 contaminari. Nec silentii peplo involvendum, quemcunque, ex
 religionis, cuius sacris initiatus est, principiis esse dijudicandum.
SERENISSIMUS NOSTER in quo sera posteritas, Majestatem ar-
 mis decoratam & Legibus armatam, miracula virtutum heroi-
 carum & divina fere exempla prudentiæ legislatoriæ venerabitur,
 Legis sacratissimæ (*c*) quæ Legatis ad pias causas limites ponit,
 hanc allegat rationem, damit nicht schwache und superstitione
 Gemüther den nächsten Verwandten die Erbschaft und dem gemeinen
 Handel und Wandel zu viel Capitalia entziehen; Positi limites tamen
 laxantur, intuitu illorum, qui pontificiæ religionis dogmatibus im-
 buti, nonsolum pro mortuis quoad resurrectionem carnis, id quod
 olim moris erat, sed etiam pro relaxatione & redémptione animæ
 ut preces fundantur, iubent & huius rei intuitu legata ordinant.
 Ratio iterum exprimitur; unsere höchste bekannte Denkungsart ist von
 alle demjenigen weit entfernet, was einen Gewissens-Zwang mit sich füh-
 ret, oder selbigen nach sich zu ziehen scheinen möchte (*d*).

(a) Conf. JO. SAM. FR. BOEHMER, in *Diff. de Insinuatione in Donat.* ad pias
 causas exule §. 4. JUSTUS HENN. BOEHMER in *Ex. ad ff. LXXX;* de
 privileg. legator. piorum genuinis & spuriis.

(b) Id quod paradoxon videtur. Quomodo avaritiae teterimus affectus circa
 C ultimas

ultimas voluntates se exserere potest? Resolutionem vide in D. sub Praef.
JO. BALTH. WERNHERI, a RECHENBERGIO habita, quæ de nimia
extensione privilegiorum piis causis concessionum agit & in Opus. Wernhe-
rianis, Vol. VII, deprehenditur.

(c) Conf. das Königl. Edict, d. D. d. 21 Jun. 1753. in N. C. C. P. B. p. 505.

(d) Conf. die Declaration des vorstehenden Königl. Edict, d. D. d. 12. Martii
1754. in N. C. C. P. B. pag. 647.

S. 15.

Novos vero offendimus scopulos si attendamus ad con-
troversiam inter JCtos celebrioris famæ agitataim, utrum Legata
ad pias causas dispositioni Legis Falcidiæ subjaceant nec ne. Hinc
nostrarum partium esse videtur inquire, affirmativæ an nega-
tivæ huius quæstionis decisioni album adjiciamus calculum? & ne-
gativa stabilita, quatenus adhuc & quem in usum inire oporteat
computationem? Priorem quod attinet quæstionem, ne JULIUS qui-
dem PAULUS sibimet ipsi constare; sed Paulus Paulum iugulare
videtur. *Lex Falcidia* inquit, (a) deducto omni ære alieno, DEO-
RUMQUE DONIS, quartam residua hereditatis ad heredes voluit pertinere.
& alio loco contrariam videtur defendere sententiam, (b) *Ad Mu-
nicipum quoque legata VEL ETIAM EA QUAE DEO RELIN-
QUNTUR*, *Lex Falcidia* pertinet. Hinc CUIACIUS, JCtorum Cory-
phaeus mutata lectione posteriorem locum sic exprimit; NON ETIAM
EA QUÆ DEO RELINQUUNTUR (c). SCHULTINGIUS e contra
(d) Criticam hancce ridet, & fontes allegat qui pro defendenda
lectione affirmante l. all. astiri debent. Apparens tantum est an-
tinomia. Diversa utriusque effati Paulini sunt objecta. Loco pri-
ori sermo est de donariis Diis consecratis. Res sacræ non sunt in
commercio, æstimationem non recipiunt, hinc ut res spectantur,
quæ ad res defuncti augendas nihil faciunt, hinc detrahuntur,
sicuti & æs alienum detrahi oporteat (e). Locus posterior e contra
loquitur de illis, quæ sacris relicta sunt collegiis. Hæc deductioni
ex Lege Falcidia omnino suberant. L. 49. C. de Eiscop. & Cle-
ricis luculentissime evincit, tempore adhuc Justiniani deducti-
onem hancce iuris fuisse; testator ibidem ad declinandam Legem
Falcidiæ totam substantiam pro redemtione captivorum relictu-
rus, eos ipsos captivos scribit heredes. Ad Legem vero declinan-
dam, quæ nobis plane non est scripta, nulla opus esse videtur
cautione;

cautione; accedit, quod eadem ipsa Lex, quæ hancce captivorum
 institutionem validam declarat, & episcopis œconomisque iniungit,
 ut hereditatem suscipient, expressis tanquam singulare quid addat
 verbis, nullo hancce rem ecclesiæ vel episcopis futuram esse lucro.
 „si enim propter hoc a speciali herede recessum, ut Falcidæ ratio non
 inducatur, quomodo ferendum est, hoc quod in sacrum venerit,
 „per Falcidiæ vel aliam occasionem minui? Recentiora quod
 attinet iura, Novella 131. C. 12. allegari solet ab utroque JCTorum
 agmine, & qui detractionem negant, & qui eandem defendunt.
 (f) Hi ut plurimum tres faciunt Hypotheses; 1) si heres impia
 avaritiæ affectu ductus hereditatem inanem vel ære alieno ita obru-
 tam esse asserit, ut legatis ad pias causas exsolvendis plane impar-
 sit. 2) Si in exsolvendo moram committit. 3) Si neque dolo sub
 prætextu hereditatis inanis vel obrutæ exsolutionem declinat, ne-
 que in solvendo moram committit. De casu posteriori Novellam
 nihil disponere censem; in casu priori lucrum Falcidiæ cessare, quid?
 quod totam hereditatem piæ causæ cedere defendunt; In casu deni-
 que inter utrumque medio pœnam tantum obtinere autumant, ita
 ut & fructus & omne legitimum exigatur augmentum a tempore
 mortis eius, qui ciusmodi legatum reliquit. Quanta quanta sit
 auctoritas, quam in primis Wielingius (g) elegantioris Jurispru-
 dentiæ promus condus interpretationi iamiam recensitæ conciliare
 studet ex ipso Novellarum græco Textu, Hombergii Versione, la-
 tina Juliani Epitome, & ex Theodori Balsamonis Schol. ad Photii
 Nomocan. tanta tamen non est, ut & nos eandem adoptemus. Græ-
 cus textus, Versio Hombergii, & Juliani Epitome cum versione
 nostra vulgata conspirare videntur. Hinc nihil exinde deducitur,
 quod ex vulgata versione non posset deduci. Theodorus Balsa-
 mon silit tantum huius Novellæ interpretationem doctrinalem,
 quæ si melior adsit, cedere debeat. Non dubitamus vero sen-
 tentiæ illorum primas deferre (h), qui in Legatis ad pias causas
 Falcidiæ simpliciter cessare defendunt, non in pœnam dolii ab he-
 rede commissi, sed in favorem piæ causæ, ita ut prima aliter sen-
 tientium hypothesis plane cesse, posterior sanctionis principale con-
 stituat obiectum, & de casu moræ incidenter tantum disponatur.
 Ponit scilicet Novella heredem, qui legati exsolutionem præsenta-
 neam ex instanti faciendam declinat, i. e. non implet quæ ad pias

causas relicta sunt, quia relicta sibi substantia non sufficit ad ista, i.e. quia dodrante plus fuerit legatum, ob quam causam exsolutio declinari poterat, usque dum dodrans in ratione legatorum partialium fuerit divisus, sive usque dum constaret, quid cuique legatario pro rata detrahi debeat. Nam ad tempora usque Justiniani, exactio legatorum, in casu, quo dodrantis nulla habita ratione iusto plus fuerit legatum, exceptio Legis Falcidiæ, cum iure retentionis coniuncta opponi poterat. Qui iure suo utitur, nemini facit iniuriā, nullius doli potest insimulari; loquitur ergo Justinianus de quocunque herede, qui Legis beneficio usurpus est, & exceptionem alias iustitiam eidem denegat, ita ut piæ causæ fiat, quod satis est, et si substantia hereditatis reliquis legatis non sufficiat, præcipimus omni Falcidia vacante, quidquid inventur in tali substantia proficere ad causas quibus relictum est. Hæc generalis dispositio repetita legitur in verbis; si legatum ad pias causas relinquitur, iubemus intra sex menses, hoc modis omnibus, præberi quibus relictum est. Generali huic dispositioni additur denique casus moræ, singulari coercendus poena. Sunt etiam, qui hanc Novellam tantum de casu moræ disponere autumant, (i) ita ut secundum illorum placita, Falcidia tantum cesset, si heres in mora fuerit constitutus; sed diversa plane est periodus, quæ de mora disponit, & nihil commune cum antecedentibus habet, si autem distulerint, qui in hoc onerati sunt, huinsmodi præbere legatum & fructus & usura & omne legitimum exigatur augmentum. Universalitatem propositionis, quæ detractionem Falcidiæ in Legatis ad pias causas prohibet, secundum Pagenstecher: (k) sequens probat argumentum.

O. qui dicit, substantiam relictam non sufficere legatis piis, Falcidiā perdit.

O. heres falcidiā sibi servare gestiens etiamsi nec in dolo nec in mora sit, dicit substantiam relictam non sufficere legatis piis; Ergo Falcidiā perdit.

Et denique quam stabilivimus sententia, illa, quam Praxis suam fecit (l).

(a) Sent. Recept. L. 4. T. 3. §. 3.

(b) Libro singulari ad L. Falc. I. 1. §. 5. ff. ad L. Falc.

(c) In Notis ad J. & ad Julii Pauli, Sent. Rec.

(d) In Ipd. antij. ad loc. ex S. Recept.

(e) WIELING, Lect. I. Civil. Lib. 2. C. 29. p. 238. MARCILIUS ad §. 2. 1. de lege falcid. in Comm. IANI A COSTA, p. 321

(f) Diffi-

- (f) Difficultates que hance Nov. premunt dolet DOMAT, in libro, qui prodidit sub tit. lex loix civil. dans leur ordre naturel. t. all. S. 2.
- (g) In *Lectionibus Juris Civil.* L. 2. C. 31.
- (h) Conf. J. H. Baehmer in Ex. ad ff. Diff. all. & Gudelinus de *Jure novissimo Libr.* II. C. XI. p. 69. Huber. in Pr. ad J. ad L. Falc. n. ult.
- (i) In quam sententiam inclinant Iesu magni nominis JO. AUG. BACH. conf. BERGERI *Oeconom. Juris que a. 1755. cura Bachii prodiit*, L. 2. T. 4. §. 31. N. 7. Stryck de Caut. Test. C. 22. N. 3. §. 1.
- (k) In *Sicilim. ad Comp.* J. Sch. Lauterb. M. 3. p. 284. seqq.
- (l) Struv. Synt. J. C. ad Tit. de *Lege Falcidiae*.

§. 16.

Non tamen exinde sequitur, omni computationem §. 13. allegatam destitui utilitate. Exceptio intuitu piæ causæ stabilita neque præiudicio neque lucro cedat reliquis legatariis, id quod contingere, si plus minusve illis detraheretur ac detrahendum esset, si nullum adesset respectu Falcidiae legatum privilegiatum. Sunt, qui autumant, legata pia æris alieni instar considerari, ita ut nulla sit hereditas, nullus dodrans nisi deducto ære alieno, deductis legatis privilegiatis. Lubenter id concedimus, si legatum necessarium habeat causam, ut prælegatum dotis, legatum debiti; ratio tunc in promptu est. Concedimus, quorum intuitu lex iubet, ut æri alieno addantur, & ad instar eiusdem detrahantur, ut pretia servorum manumissorum. Legis dispositione deficiente religioni nobis sit, tale quid admittere; lucro enim talis cedit detractio reliquis legatariis, præiudicium heredis auget, & privilegium non nisi privilegiato concessum per indirectum sit privilegium omnium legatariorum commune. Ponamus defuncti facultates 4000; Legata a.) 1500; b.) 1500; c. quod piæ causæ destinatum est 500; Si 500 quæ piæ causæ destinata sunt a summa 4000 detrahuntur, hereditas est = 3500, Dodrans = 2625; qui si in ratione legatorum partium dividitur, partem cuiuslibet legatarii cui 1500 destinata erant constituit $13\frac{1}{2}$, ratam detrahendam $18\frac{1}{2}$. Si e contra computatio fit secundum §. 13. legatarii A. & B. accipiunt tantummodo quilibet $128\frac{5}{7}$, detractis $21\frac{2}{7}$, quæ computatio talis est, ut salvo quod piæ causæ concessum est privilegio, legatariis reliquis nihil præiudicium inferatur, heredi consulatur. Nostra enim ex sententia in computatione legali piæ causæ eodem modo haberri debet ratio, ac si Legi Falcidiæ subesset, non ut revera rata sive portionis de-

libetur, sed ut reliquorum legatariorum intuitu constet, quid quantumve illis sit detrahendum, ut ne iusto minus vel plus detrahatur. Nihil novi enim est, ut in computatione, quam Leges inire iubent tertii ratio habeatur, quamvis causa computationis in illum plane non quadret, & quidem ad avertendum præjudicium quod ex contraria agendi ratione illis immineret, quorum intuitu computatio ineunda est. Sic in computatione legitimæ filius iuste exheredatus inter liberos connumerandus est, (a) eatenus ut ceterorum filiorum legitima eadem sit ullo ac nullo exheredato; ut 2 pater exheredans de filii iuste exheredati legitima libere disponere queat, ut 3. universaliter instituti legitimam iuste exheredati accipient.

(a) BASTINELLER, *de usu theor. & practic. Qu. an filius iuste exheredatus in Computatione legitimæ inter liberos sit connumerandus nec ne.*

§. 17.

Sequitur nova huius commentationis contemplatio, concernens Legata amico ad dies vitæ destinata, annuatimque exsolvenda. In ambiguo est, ad summam vieturus senectutem, an citius fato sit cessurus. Mors omni ætati communis est, iuxta illud Horatianum

Mixta senum ac iuvenum densantur funera, nullum
Sæva caput Proserpina fugit.

Hinc etiam incompertum, quoties legatum consequiturus sit, & quanta summa legati huius partialis intuitu, summa legatorum totali annumerari oporteat. Leges diversa sese ex difficultatibus extricandi media suppeditant. Secundum, l. 55. ff. ad L. Falcidiam ex sententia Marcelli vivo legatario iudex æstimare debet, quanti venire legatum potest, id quod differt pro varia eius cui legatur, ætate, conditione, valetudine. Pluris enim æstimatur, si puero vel iuenci adhuc eiusmodi legatum competit, ac si qui ætate decivis est, illud exigendi ius habeat; pluris si legatarius incorrupta sit sanitate, ac si eiusdem perdita sit valetudo, infirma corporis affectio, (a) Omnia in hoc casu pendent a probabilitate, quæ per se multum incertitudinis habet, & præter ea diversimode adhuc, prout alter altero plus metus fovet, determinari solet. Sunt qui omnia verentur, omnia imaginantur, quæque natura metuentium est, ea maxime sibi, quæ abominantur, fingunt. Hinc suis, quam allega-

allegavimus eluctandi via, incommidis laborat. Facilius e contra esse videtur determinationis regula, quam *Æmilius Macer*, Libr. 2. ad Legem vicesim. hereditatum, (b) allegat. Sequens eiusdem norma est; si Legatarius triginta annis minor sit, eundem adhuc triginta annos victurum esse præsumitur. Si annos habet triginta vel plures, annis vero 57. minor est, sexagesimum vitæ annum adhuc attingere probabile est. Qui 56. annos excessit, lustro plus animam agere non speratur. (c) Stabilivimus hæcce ad ductum Legis ipsius, prætermisis illis, quæ GOTL. GEORG. TITIUS (d) circa hancce computationem proponit. Quoad explicationem Legis enim errare videtur, quum 30. annorum computationem tantum fieri autumat in casu si legatarius recens natus sit. Si e contra anno, biennio, triennio &c. major sit, tot annorum computationem requirit, quot annis triginta deficiunt. Quoad habitum computationis extra omnem dubitationis aleam quidem positum est, præsumtiones hasce legales haud raro fallere. Sed quum in casu proposito secundum probabilitatem procedendum sit, satius est, ut Leges quid præsumendum sit statuant, quam si probabilitas in casu quolibet speciali secundum arbitrium iudicis vel illorum quorum interest determinetur, in primis, quum in casu præsumtione tantum opus sit præsentanæ computationis ergo; si enim postea de veritate constat, eidem honos habetur, ac si antea nulla iuxta probabilitatem facta fuisset computatio.

(a) Arg. l. 8. §. 10. ff. de transactionibus.

(b) L. 68. ff. ad L. Falc. Antea secundum eandem Leg. Ulpianus tradiderat Formulam, secundum quam

homo	prima ætatis usque ad annos	20	—	30	vivere præsumebatur
	annorum 20	—	—	25	
	—	25	—	30	
	—	—	30	25	
	—	30	—	35	
	—	—	35	22	
	—	35	—	40	
	—	—	40	20	

in hoc casu tot annorum computatio-

fit, quot ætati eius

ad annum sexagesi-

mum desunt, remisso uno anno.

(c) Nunquam amplius quam triginta annorum, nunquam minus quam quinquennii fit computatio Conf. Voet. ad Tit. ff. de Lege Falc.

(d) In observat. ad Comp. Juris Lauterb.

§. 18.

Si ergo quæ §. 17. dicta sunt, applicanda veniunt, sequens observanda erit regula: multiplicetur annum per numerum annorum, quos Legatarius viciturus præsumitur. Productum s. factum est illud ipsum quantum, quod summæ legatorum totali debet annumerari

1) Ponamus hereditatem 1200 Thal. Legata denique.

A.	—	—	—	—	300 Th.
B.	—	—	—	—	200 Th.
C.	—	—	—	—	400 Th.

D. Legatum denique Titio qui decimum vitæ annum agit destinatum, illudque annum 10; Quum præsumatur Titium 30 annos vicitur esse (10 . 30 = 300) summæ legatorum addi debent.

300 Th.

1200.

In hoc casu tota hereditate exhausta, heredi quadrans deest, & quanti detrahendi ad summam legatorum totalem eadem est ratio ut 1 : 4. quæ ratio etiam obtinet, inter legatum quocunque particulare eiusque ratam detrahendam.

Ponamus 2.) in eodem casu Titium 45 annorum. Sexagesimo anno, quo usque viciturus præsumitur deficiunt adhuc 15. Annuum 10 . 15 = 150; qua summa 150 addita, summa legatorum totalis fit 1050. Heres salvam tantum habet hereditatis unciam & dimidiā, deficit uncia cum dimidia. In computatione supplementi gratia ineunda summæ legatis detrahendæ ad suminam legatorum totalem eadem ratio est ut $\frac{1}{7} : \frac{7}{7}$. Hinc & cuilibet legatario detrahatur $\frac{1}{7}$.

Si denique 3) Titius sit 56 annis maior, ponamus 70 vel 90 annorum per quinquennium vivere præsumitur; Hinc annum 10 . 5 = 50; summa totalis legatorum 950; id quod heredi deest 50; quod summæ legatorum totali decadere debet, ut quadranti, quod deest accedat $\frac{1}{15}$; quæ pars & cuilibet legatario detrahi debet.

(a) Si ususfructus reipublicæ, corpori vel collegio sit relictus, itidem triginta annorum computatio sit. Durare quidem potest ususfructus Centum annos; sumitur scilicet terminus vitæ humanae longissimus. Aliquando tamen maturius extinguitur, dum collegium dissolvitur, aut civitas aratrum passa sit & quasi moritur l. 21. ff. quibus mod. ususfructus amitt. arg. l. 38. §. 6.

§. 6. ff. de leg. 3. Hinc computatio legalis interimistica breviorum ponit terminum.

§. 19.

Quomodo vero fiat, ut Titio, quod detrahendum est, (puta in casibus recensitis $\frac{1}{4}$ vel $\frac{1}{7}$ vel $\frac{1}{15}$) detrahatur, varia & etorum est decisio. Sunt qui quotannis ratam ex anno ipso detrahendam defendant, sunt qui annos presumitive sumtos dividendos autument, & quidem in casibus §. 18 annos 30 in 4; annos 15 in 7; annos denique 5 in 19; ita ut legatarius ab initio integra consequatur annua absque ulla detractione, & quidem per $\frac{3}{4}$ vel $\frac{6}{7}$ vel $\frac{18}{15}$ annorum, quas adhuc vivere presumitur, nihil vero accipiat per ultimam huius temporis periodum quae in casibus datis est $\frac{1}{4}$ vel $\frac{1}{7}$ vel $\frac{1}{15}$.

Quæ ut explicatius dicantur diversos computandi modos inter se conferre liceat,

Secundum placita illorum;

qui annuatim ratam detrahendam censem

qui ab initio integra legata exsolvenda autument, l. 47. ff. ad L. salc. suffulti.

In Casu I. §. 18.

Legatariis a b & c. quorum legata simul sumta

900 exæquant detrahatur

$\frac{1}{4}$ Summa Titio annuatim detrahenda $2\frac{1}{2}$ tricies sumta efficit quartam totius anni 10 tricies sumti

75

$\frac{1}{4}$ Titius consequitur integrum legatum 10 per $22\frac{1}{2}$ annos; per $7\frac{1}{2}$ annos heres annum retinet. $10 \cdot 7\frac{1}{2} = 75$

En quartam quæ heredis est 300

En quartam quæ heredis est 300

In Casu II. §. 18.

A B. & C. qui consequuturi essent summam = 900 perdunt
falcidiæ auferendæ gratia

$\frac{1}{7}$ — — — 128 $\frac{4}{7}$
Titius perdit annuatim $1\frac{2}{7}$,
id quod quindecies sumtum
efficit septimam partem to-
tius anni 10 quindecies
sumti — — — $21\frac{3}{7}$

En supplementum quadrantis 150

$\frac{1}{7}$ — — — 128 $\frac{4}{7}$
Titius qui 15 annos vivere
præsumitur consequitur $12\frac{5}{7}$
annos integrum legatum 10;
perdit per ultimam perio-
dum $2\frac{2}{7}$ annos annuatim
10; id quod multiplicatum
per $2\frac{1}{7}$ efficit — — — $21\frac{3}{7}$

En supplementum Quadr. 150.

In Casu III. §. 18.

A B. & C. perdunt ex summa quæ 900 exæquat

$\frac{1}{5}$ — — — $47\frac{7}{19}$ th.
Titius qui annuatim 10
consequuturus est, perdit
quotannis huius summae
 $\frac{1}{5}$ sive $47\frac{7}{19}$ grossos hinc
per quinque annos — — — $2\frac{12}{19}$

En supplement. Quadr. 50 th.

$\frac{1}{5}$ — — — $47\frac{7}{19}$ th.
Titius 4 annos $8\frac{15}{19}$ men-
ses integrum accipit Le-
gatum; per $3\frac{1}{5}$ menses
nihil accipit, hinc per-
dit. — — — $2\frac{12}{19}$ th.

En supplem. Quadrantis 50. th.

Computatio illorum qui ab initio integra præstant legata,
annuum consequuturo admodum proficia est, & tunc fere præfe-
renda videtur, si annua habeant rationem alimentorum, quorum
maximus in iure favor est, veluti si pauperi sint relicta. (a) Utilitas
computationis multiformis consistit etiam in immunitate a detrac-
tione Falcidiæ, quæ per indirectum legatario contingit, in casu
properantis fati, si præsumtione citius decedat. (b) In genere vero
pro diversitate circumstantiarum modo annuatim, modo contraria
ratione ratam detrahendi æquius est. In thesi difficultis decisio.

(a) Arg. I. 8. §. 23. D. de transf. Bruno von dem Busch de Jure alimentorum,
C. 2. §. 6.

(b) Secundum Novellam 131. c. 12. in hoc casu Faleidiam detrahere plane
non licet.

Omnia quæ §. 18. stabilita sunt, probabilitati debentur. Hæc aliquando fallit, & ut veritati cedat, simulac de eadem constet, ius fasque requirunt. Legatarius e. g. præsumptione legali citius decedit, iam constat, quoties revera annum sit consequutus, & quæ summa sub hoc titulo, summæ legatorum totali adnumerari debeat, quis revera omnium legatorum sit cumulus; In hoc casu falcidiæ auferendæ gratia, quæ probabilitatis trutina tempore aditæ hereditatis superstite adhuc legatario examinabantur, iam veritatis statera ponderari debent. Ponamus legatarium, qui 30 annos superstes præsumebatur, elapso quinquennio decedere; iam non 300 sed 50 summæ legatorum totali, annui ergo, addi debent, id quod legatariis detrahendum fuisset, non quarta sed decima nona pars est; quod ergo secundum probabilitatem delibatum est, ad veram reducatur mensuram, & fiat restitutio eius quod eandem excedit. Accidit e contra, ut sexagenarius cui funus elapso quinquennio duci sperabatur, longissimum vitæ humanæ attingat terminum. In hoc casu intricatior se offert quæstio, utrum heres tantummodo pro quantitate quæ intra annos iuxta probabilitatem computatos præstanta foret, quartam deducat, an huius intuitu eidem ulterius, & quoisque legatarius superstes est consulendum sit. Sunt qui posterius negant, prius pro aris defendant. Nobis id justo durius videtur. Si probabilitas a Legibus stabilita veritatem vincere nequeat in præiudicium legatariorum, nec id admittere possumus in præiudicium heredis. Queim sequuntur commoda, si legatarius citius fato fungatur, idem ipse & incommoda sentiat, si spe diutius animam agat. Leges nullibi Quadranti, qui heridis esse debet, hocce minantur periculum. Eadem iustitiae ratio, quæ in casu altero legatariis consuli iubet, ut heredi in casu contrario prospiciatur, suadet atque postulat. Hinc cautionibus nostra ex sententia res temperanda erit; Heres, cui non nisi quadrans salvus est, securus fiat necesse est, ut si contingat Legatarium, cui annua destinata sunt, diutius ac Leges præsumunt vivere, omnes legatarii annuatim tot nummos, quot annum requirit, conferant, ita tamen ut & ille ipse, qui annum consequuturus est, pro rata portione contribuat.

Incidimus adhuc in nodos, qui ut gordius secari vix solvi possunt. In re difficii periculum facere sufficit, etiamsi eventus sit dubius; Nec statim, que deducia nitescere nequeunt, sunt relinqua. Scrupulosa admodum est computatio in §. 18. allegata, quum facilior sese offerat, quid? quod æquitati magis conveniens. Ponamus Legatarium, cui annuum 10 destinatum est quadraginta annis minorem, cuius curriculum vitae vicennium exceedere speratur. In tali casu computatio allegata maius eruit quantum summae legatorum totali addendum, ac fieret, si tantum videretur legatum, quantum sufficeret sorti ad usuras quincunces eius summae, quæ legata est, colligendas. Computatio legalis §. 18. scilicet efficit, quantum, quod vel 300 exæquat, vel sicutem 200 excedit. Computatio contra, secundum quam sors ponitur, ex qua usuræ quincunces eius summae quæ legata est, colligi possunt, efficit tantummodo quantum = 200. Multiplicatio anni enim fit per 20; quia $\frac{1}{10} = \frac{1}{20}$. Accedit, quod usuris, quæ annum in tali casu exæquant exsolutis, sors ipsa non pereat, sed mortuo, cui annum debetur, reliquis cedat legatariis, quatenus scilicet heres quadrante eiusque fructus, a tempore quo testator decesserit, salvos habeat.

§. 22.

Nec silentio præterire possumus aliud quoddam dubium eiusdem momenti. Computatio legalis efficit, ut heres plus quadrante accipiat. Ex quantitate, quæ inter annos secundum probabilitatem legalem computatos præstanda foret, ratam falcidiæ auferendæ gratia detrahit; reliqua non statim semel & simul exsolvit, sed annuatim & quidem si ab initio integra legata exsolvit, in casibus §. 18. recensitis totius quanti partem vel tricesimam, vel decimam, quintam vel quintam. Hinc emolummentum mediæ temporis, quod interusurum vocant, (a) eius cedit lucro; ponamus casum quo sub titulo anni, summa 300 legatorum cumulum augeat. Heres exinde sibi retinet 75; ex reliquis = 225 annuatim 10 exsolvit, sic exsolutis ineunte anno 10 statim ab initio 225 minus 10 elocare & usuras exinde redactas sibi retinere potest; anno secundo, reiterata solutione anhui, 225 minus 20 elocat & usuras lucrat-

tur

tur &c. Nonne æquitati consentaneum esset, ut interusurium hocce in quadrantem imputaretur? Maius huic dubio accedit pondus si Leges in legatis conditionalibus medii temporis emolumentum heredi in quartam imputari iubeant. L. 88. §. 3. ff. ad L. Falc. Huius Legis elegantem sissit exegesis Cuiaciūs, ICtus eminentissimus ad African: Tract. VIII. Secundum eandem scilicet ponitur hereditas = 200; legatum purum = 100; legatum conditionatum = 100. Ex conditionato heres ante existentiam conditionis redigit usuras = 25, quas in Falcidiā quasi iudicio defuncti & iure hereditario perceptas imputat, ita ut quadrantis, (qui secundum cumulum bonorum mortis tempore existentem determinatur, & in casu 50 exequat) supplendi gratia legatarii non nisi 25 conferre teneantur. Non solum vero quadrans ex die mortis penes heredem sit, sed etiam usuræ, quas exinde redigere potuisset, eidem relinquuntur. Hinc secundum legalem determinationem conferendis adhuc quinque adduntur. Contributionis denique ratio exacte exprimitur. Tanto minus sub conditione legatum censetur, sive erogatum ex bonis, quantum pendente conditione heres exinde percepit. Hinc in casu legatarius cui sub conditione legatum, non nisi 75 accepisse creditur, hinc ex partibus septem is cui pure legatum quatuor sive $\frac{4}{7} = 17\frac{1}{7}$, cui sub conditione, tres partes $= \frac{3}{7} = 12\frac{5}{7}$ confert.

- (a) Proprie interusurium est quod ex anticipata solutione quantitatis in diem debitæ debitori accedit, creditori decedit. Hic latior Interusurii significatus. LUDW. AUG. WUERFFEL Ipd. defin. §. 429. De Computatione interusurii proprie sic dicti conf. PÖLÜCK Mathef. forens. p. 82. qui pluribus de calculo leibnitiano; BILFINGER de eadem materia in alleg. Math. For. p. 116. HOFFMANN de ead. Mat. in all. Math. F. p. 129. URTHERS Beyträge zur Math. Forensi I. Abhandl. JO. ERNST BASILIUS WIEDEBURG Kurzgesäfzte practische Mathem. vor diejenige, die sich auf die Rechtsgelehrtheit legen, p. 176.

S. 23.

Utrumque dubium supponit sortem scenori datam. Quæ res periculi plena est. Foenerandi usus vix continuus vix stabilis est, & intercidente saepè pecunia ad nihilum patrimonium deducitur.

(a) Hinc difficile, aliquem de usuris percipiendis convenire. Pa-

pinianus, si possessor hereditatis pecuniam inventam in hereditate non attingat, negat, illum omnino in usuras convenientium. (b) Ratio alibi redditur, quia pecuniam cum periculo dantis fœneramur. (c) Generalis fere est regula, *usuras eius lucro esse, cuius periculo fuerit creditum*; Quæ quum ita sint, vix est, ut heredi, in favorem legatariorum, necessitas iniungatur, suo periculo elocandi sortem cuius nullam sperat utilitatem. Quid vero, si periculo eius credatur, qui annum est consequuturus? vel si legatarii intercedentis sortis pericula subire volunt? Periculo eius credere, qui annum consequuturus est, contradicit iuri eidem ex testamento quæsito, exigit enim annum, non usuras sortis cuiusdam determinatae. Si e contra Legatariis volupe est, suo periculo ut credatur, extraordinarium quid exinde emergit, quod quidem admittendum esset, non tamen nisi ex consensu eius, cui annum debetur, vel saltem ex consensu heredis, ita ut & hoc casu obligatus maneat. Heres ex aditione ad exsolvendum annum obligatus est, non collegatarii; ut is, cui annua destinata sunt, heredem ex nexus dimittat, & eo ipso actioni ex testamento & hypothecæ, cui bona hereditaria subjaceant renunciet, vix sperari licet; nulla saltem necessitas cogit. In regula ergo, quum non nisi heres legati debitor sit, æquitas requirit, ut habeat unde obligationi absque elocationis periculo facere queat, quod satis est. Hinc Leges annum toties multiplicatum ex bonis hereditariis segregari volunt, quæ illud legatarium consequuturum probabile est, nec obstat, quod in legatis (d) conditionalibus interusurium in quartam imputetur, quamvis eadem obtinere videatur ratio. Quæ enim in hoc casu de interusurio disposita sunt, ad singulares spectant sanctiones, ultra casus expressos non extendendas. Juris est in regula, ut omne damnum sit heridis, si forte incendiis, naufragiis, aut morte servorum bona decrescant; omnes fructus, ancillarum partus, quæ per servos acquisita sunt, eius lucro cedant, in rationem Legis Falcidiæ non cadant. (e) Accederet ex nostra sententia adhuc sequens differentiæ ratio; In legato conditionali incertum est, utrum res legata penes heredem perpetuo iure dominii mansura an legatario lucro futura sit, id quod ab existentia vel non existentia conditionis pendet. In tali casu vero elocandi onus ob speratum proprium commodum minus durum esse videtur, ac si plane in tertii utilitatem

litatem pericula subeundi necessitas iniungatur. Quia vero in Legato ex die reliquo interusurii ratio perinde habetur, ac in conditionato, hanc differentiae rationem urgere delistimus.

- (a) Arg. L. 22. C. de adm. Tutor.
- (b) L. 20. §. 14. ff. de H. P.
- (c) L. 62. ff. d. R. V. conf. etiam l. 30. ff. d. H. P. l. 67. D. pro socio, l. 10. §. 8. ff. Mand.
- (d) J. H. BOEHM. Ex. ad ff. LXXIX. de differentia legatorum purorum & non purorum. Sunt quidem legata annua, saltem temporalia, itidem conditionata. Sed conditio concernit tantummodo questionem, quoties exsolvenda sint. Ratione questionis, utrum debeantur, saltem intuitu primi anni, pura sunt.
- (e) L. 30. ff. ad L. Falcid. l. 73. l. 77. ff. ad L. F. §. 2. f. d. lege Falcid.

S. 24.

Omnes quas allegavimus pro iustitia legis 68. ff. ad L. Falc. rationes quadrant etiam in legata annua perpetua, & nibilo minus incumbit heredi elocandi necessitas. Ratio differentiae latere videtur in natura legati ipsius; perpetuum enim est. Inextricabiles haberet difficultates, quid? quod impossibile videtur tot annorum computationem inire, quot annos exsolutionis obligatio duratura est. Periculum elocandi tamen putamus esse rationem, cur tantum videatur legatum, quantum sufficit ad usuras trientes eius suminæ, quæ legata est colligendas, id quod maiorem silit sortem, ac si annui ad quantitatatem unde solvendum eadem esset ratio, quæ est inter usuras quincunces vel semisses & sortem, unde usuræ rediguntur. En temperamentum. Majoris sortis maiores usuræ, quarum excessus, exsoluto anno, heredis lucro est, periculi silit haud leve redhostimentum. Ponamus annum 10. Sors erit secundum computationem legalem 250. Usuræ quæ inde colligi possunt semisses 15. Hinc exsolutis 10 annuatim quinque lucro heredis sunt.

Li^eat denique addere, computationis methodum, quam meditationibus nostris illustrare allaboravimus, ne quidem Lege Falcidia abrogata, omni carere fructu. Quid enim, si legata a se excedant? Nonne in hoc casu ius decrescendi pro rata obtinet? Quæ quum ita sint, necesse est, ut de cumulo legatorum constet; de eodem vero constare nequit nisi legatum annum ad certum reducatur quantum, §. 11; id quod fit per computationem de qua §. 13 & 17. egimus. Multiplex computationis esse potest usus. Quem MACER ipse l. all. 68. ff. ad L. Falc. intendisse videtur, duplex est, & pro detrahenda Vicesima (a) legatorum, quam in ærarium militare deferri LEX JULIA ab AUGUSTO lata iubebat, & pro supplendo eo, quod Quadranti heredis deest (b). Pluribus vero huic Materiæ inhærere, prohibet instituti ratio.

(a) De Vicesima hereditatum plura habet BURMANNVS de Vectigal. Pop. Rom. C. II. SCHUBERT de iustitia transact. testam. tabul. nondum inspectis ob sublatam vicesimam hered. PRAESIDIS Diff. inaug. de Transact. valid. conjectariis. §. 2. pag. 5.

(b) WIELING. L. I. Civil. L. 2. C. 32.

